



## Lub Zej Zog Cov Chaw (Community Hubs)

### KEV HLOOV PAUV RAU COV KEV PAB CUAM VIM TUS KAB MOB COVID-19

Kev pab txhawb nyob rau hauv Lub Zej Zog Cov Chaw (Community Hubs) muaj mus ntxiv rau cov neeg siv thaum lub caij muaj kev huaj vam ntawm tus kab mob COVID-19. Txawm li cas los xij, txoj hau kev muab cov kev pabcuam tej zaum yuav hloov mus raws li cov lus qhia txog fab kev noj qab haus huv.

Hauv Cov Chaw Feem Ntau, muaj qhov kev txo nqis kev sib fim tim ntsej tim muag. Cov Thawj Coj Lub Chaw tau tswj xyuas txoj kev sib cuag nrog cov neeg siv ib leeg zus los ntawm xov tooj. Kev sib tham ua pab pawg yuav ua mus nyob rau hauv online, kom ntseeg tau tias txhua tus hauv cov zej zog tseem muaj kev sib txuas nrog lub Chaw cov thawj coj, thiab tseem koom tes txuas ntxiv mus tau nrog cov haujlwm tseem ceeb xws li cov chav sib tham kawm lus Askiv.

Kawm paub txog tus kab mob **COVID-19 thiab nws cov tsos mob.**

### Lub Zej Zog Cov Chaw yog dab tsi?

Lub Zej Zog Cov Chaw (kuj tseem hu ua Txoj Hauj Lwm Lub Chaw Nruab Nrab Ntawm Lub Zej Zog) yog qhov chaw tos txais rau cov tsev neeg thoj nam thiab cov tsev neeg tawg rog, tshwj xeeb yog cov leej niam nrog cov me nyuam yaus.

Cov Community Hub muaj nyob rau hauv cov tsev kawm ntawv them pib thiab pab tib neeg los kawm lus Askiv, txhim kho cov txuj ci tshiab, nrhiav haujlwm thiab muab kev pab cuam kom pab nkag tau mus siv Tsoomfwv cov kev pab txhawb nqa.

### Lub Zej Zog Cov Chaw nyob rau qhov twg?

- NSW: Parramatta, Blacktown, Canterbury Bankstown, Fairfield, Cumberland, Wollongong, Liverpool
- VIC: Brimbank, Dandenong, Hume, Banyule, Geelong, Shepparton
- QLD: Logan, Ipswich
- SA: Port Adelaide – Enfield, Salisbury

Cov npe tsev kawm ntawv them pib uas muaj Lub Zej Zog Cov Chaw thiab cov ntaub ntawv sib tiv tauj yuav nrhiav tau nyob rau **ntawm no.**

### Lub Zej Zog Cov Chaw muab cov kev pab cuam dab tsi?

Cov kev pabcuam tau muab yuav sib txawv raws lub Zej Zog Cov Chaw, kom ntseeg tias lawv tau raws li lawv cov zej zog cov kev xav tau. Piv txwv ntawm cov hom kev ua ub no muaj li hauv qab no:

- Cov kev zov pawg me nyuam thiab cov kev kawm thaum ntxov
- Cov chav kawm lus Askiv thiab kev sib tham
- Cov chav kawm txog txoj kev ua neej noj qab haus huv thiab lwm yam kev paub ua lub neej thiab pab pawg
- Cov kev kawm kev sib koom tes ntawm niam txiv thiab kev tsim kho kev muaj peev xwm
- Cov kev kawm ntawv thiab kev nyeem ntawv rau cov me nyuam yaus

- Cov cij fim kev ua haujlwm pub dawb thiab kev txhawb nqa kev ua haujlwm
- Kev cob qhia kev ua haujlwm loj koom tes nrog TAFEs thiab cov koom haum kev cob qhia uas tau sau npe
- Cov chav cob qhia kev paub ua haujlwm me
- Cov pab pawg muaj kev nyiam ib yam tshwj xeeb thiab cov pab pawg sim neej
- Kev mus ntoj ncig xyuas chaw thiab kev tawm rooj ncig ua pab pawg
- Kev xa mus rau lwm cov phiaj xwm uas tuaj yeem pab nrog cov teeb meem

### **Kuv puas tsim nyog tau txais cov kev pab?**

Lub Zej Zog Cov Chaw zoo siab txais tos txhua tus neeg tsiv teb tsaws chaw. Muaj qhov tsom tshwj xeeb rau cov leej niam neeg tsiv teb tsaws chaw uas muaj cov me nyuam yaus nrog.

### **Kuv yuav nrhiav kom paub ntau ntxiv hais txog lub Zej Zog Cov Chaw cov kev pab cuam tau li cas?**

Yog koj xav paub ntaub ntauv xov xwm ntau ntxiv mus saib ntawm [Community Hubs](#) lub vev xaib lossis hu rau tus xov tooj 03 8614 3430.